



# أزمة ثقة

نورا ياسين

عصير  
الكتب

مشروع النشر الإلكتروني

# أزمة ثقة

بقلم ————— نورا يس ————— م

من إنتاج



إهداء،،

إلي من علمني من ينابيع علمه الواسعة  
إلي من علمني الثقة و علمني معني الحياة  
وغير مجري حياتي كلها وسقاني العلم من  
بحوره

إلي أستاذي ومعلمي و أبي الروحي

الدكتور ابراهيم الفقي رحمه الله .

مين في الحياه معداش بمشاكل كتير  
مين مسابش ناس كتير غالية اوي عليه  
ومين مسابهوش ناس بطريقة مكنش يتخيلها  
ومين مفضلش يسامح ويسامح ويسامح  
لحد لما حس ان عنده ازمة ثقة

ازمة ثقة هي مشكلة حياتي انا اسمي امنية و عندي ٢١ سنة  
شوفت كتير في حياتي ناس بتيجي في ثانية وناس بتروح برضو في  
ثانية

ناس وثقت فيها وطلعوا ميستاهاوش الثقة دي  
لحد لما بقي عندي ازمة ثقة

ماما : امنية انتي كل دا قاعدة في اوضتك لوحدك ليه

امنية : عادي يا ماما كنت قاعدة علي الفيس  
ماما : هو انتي مش هترحمي نفسك شوية من الفيس دا

امنية : مش لاقيه حاجة اعمالها هقعد اعمل ايه يعني

ماما : تعالي ساعديني في تنضيف الشقة بدل قعدتك دي

امنية : بعديين يا ماما بعديين

رجعت اوضتي و مكنتش قاعدة علي النت كنت بكلم يونس

يونس قابلته من سنتين في الشركة اللي بيشتغل فيها كنت نازلة عندهم  
تدريب تبع الجامعة

وبدأنا نحب بعض وارتبطنا

يونس عنده ٢٥ سنة واكثر واحد في الدنيا بثق فيه

اول لما عرفته كنت بخاف منه مش عشان حاجة بس عشان انا عندي  
ازمة ثقة

بس يونس خلاني ارجع اثق تاني في الناس واديته كل ثقتي

امنية : ايوة يا يونس معاك

يونس : ايه يا بنتي كل دا

امنية : معلىش كنت بكلم ماما

يونس : ماشي كنا بنقول ايه بقي

امنية : كنت بقولك انك اكثر واحد في الدنيا بثق فيه وخايفة يجي اليوم  
اللي اندم اني ادبتك الثقة دي

يونس : انتي تفتكري اني زي بقيت الناس اللي خلوكي تفقدي ثقته  
فيهم

امنية : لا طبعاً انا مقصدش كدا انا بس رتبت حياتي علي انك فيها لحد  
ما اموت

ومش عايزاك تبعد عني انا مصدقت لقيتك

يونس : متخافيش يا حبيبي عمري ما هبعد عنك يوم ما ابعد عنك  
هكون ميت اكيد

امنية : بعد الشر عليك ربنا يخليك ليا

يونس : ربنا يخليك ليا حاف كدا

امنية : احم بس يا واد بكسف

يونس : ماشي يا ابو صلاح انا هقفل بقي عشان نازل مع صحابي

امنية : ماشي يا حبيبي متتاخرش عليا

يونس : مش كنتي بتكسفي من شوية

امنية : انت مفيش حاجة عجبك

يونس : لا فيه انتي عجباني

يلا هكلمك لما ارجع

سلام

امنية : سلام

امنية بعد ما قفلت بعنت لي يونس رسالة  
الحمد لله ان ربنا رزقني بيك وعوضني بيك عن كل حاجة وحشة  
شوفتها في حياتي

امنية : ماما مريم صاحبتي جوالي كمان نص ساعة تقعد معايا شوية

ماما : ماشي يا امنية تنور

امنية : هو انتي وبابا لسة مبتكلموش

ماما : اه لولا وجودك يا امنية انا كنت اطلقت

امنية : هو بابا عمل ايه خلاكي تبقي عاملة كدا

ماما : قفلي علي الموضوع دا قومي روقي اوضتك صاحبتك زمانها  
جاية

امنية : حاضر يا ماما

بابا بيشتغل في السعودية من زمان اوي واحنا بنروح ليه في الاجازات  
مليش علاقة اوي بيه

او زي ما تقولوا كدا مش متعلقة بيه بابا كان اول واحد يخليني افقد الثقة  
وانا صغيرة

ودا كان بسبب ان وانا صغيرة كنت متعلقة اوي بيه وكنت دائما اقله  
خليك جنبي

متبعدهش ومكنتش اعرف انام إلا لما يجي البيت ويوم لما قالي انه  
هيسافر

قعدت اعيط جامد واقوله متسبنيش بس هو سابني وبدأ معايا عقدة الثقة  
اني بخاف اوي اتعلق بحد ويبعد عني والخوف دا تطور لما كبرت  
وبقي خوف من الناس دائما حاسة ان اي حد هيقرب هيبعد  
فا عملت حصار علي قلبي ان مفيش حد هيدخله  
بس يونس ومريم اكثر اتنين فكوا الحصار دا واستعمروا قلبي

مريم : امنية امنية

امنية : مريم انتي جيتي امتي

مريم : بقالي سنة قاعدة جنبك وانتي سرحانة  
سرحانة في ايه يا موزة

امنية : كنت بفكر فيكي

مريم : فيا برضو ولا في يونس

امنية : وطي صوتك لا ماما تسمعنا

مريم : انتي مش ناوية تقوليها يا امنية  
الموضوع طول اوي كدا

امنية : انا خايفة اقولها تخليني ابعده عنك انتي عارفة انا مصدقت لقيته

مريم : طب وانتي مش ناوية تفتحيه في موضوع الخطوبة

امنية : خطوبة!!

مريم : اه خطوبة او مال هتفضلوا مرتبطين طول عمركوا

امنية : لا اكيد بس انتي عارفة ظروف يونس وانا مش عايزة ازود  
عليه

مريم : انتي حرة بس انا رأيي لازم تفتحيه في الموضوع دا  
ومامتك كمان لازم تعرف حتي لو مش هتتخطبوا دلوقتي

امنية : هبقي اكلمه في الموضوع دا بس بعديين

مريم : امنية انتي واثقة ان يونس انسان كويس

امنية : اه طبعا انتي عارفة ان يونس اكثر انسان بثق فيه في الدنيا  
بس انتي ليه بتسالي كدا هو في حاجة؟؟

مريم : لا يا حبيبتي مفيش انا بس بظمن عليك

امنية : طول ما يونس معايا اظمني عليا ((:))

مريم : ماشي يا مسهوكة ربنا يسعدكوا ويخليكوا لبعض

امنية : اميين يارب

مريم : انا هقوم بقي امشي عشان عمرو جاي النهاردة

امنية : صحيح حددتوا معاد الفرح ولا لسة

مريم : لسة بدري ربنا يديني ويديكي طولة العمر

امنية : ربنا يكملكوا علي خير يا حبيبتي واجي البسك الفستان الابيض

مريم : اميين يارب

لو كلمتي يونس في الموضوع اللي قولتلك عليه ابقني كلميني قوليلي  
الاخبار

امنية : حاضر يلا خدي بالك في نفسك

مريم : وانتني كمان يلا سلام

امنية : سلام

بعد لما مريم مشيت امنية قعدت تكلم نفسها

اول مرة مريم تكلمني في موضوع الخطوبة يا تري عرفت حاجة عن  
يونس وحشة هي ليه بتعمل كدا  
وبتخوفني انا مش ناقصة انا مبعرفش اصلا اثق في حد ثقة عمياء  
قعدت اكلم نفسي  
انتي مش واثقة في يونس يا امنية  
لا انا واثقة فيه طبعا بس غصب عني من اللي مريت بيه في حياتي  
بيجي اوقات عليا وبخاف  
لا طبعا مينفعش تخافي منه لازم بدل بتحبيه تثقي فيه ثقة عمياء  
دا يونس يا امنية فاكرة يونس دا وقف جنبك قد ايه وساعدك قد ايه  
يونس اللي عمره ما بيجي عليك وحتي لو جه في يوم عليك بيبيقي  
غصب عنه وبيصالحك

انا هكلمه النهاردة ان شاء الله وافتح معاه موضوع الخطوبة  
مريم برضو عندها حق احنا بقالنا سنتين علي الاقل يكلم ماما

-٢-

امبارح يونس رجع متأخر مع صحابوا فا طبيعي معرفتش اكلمو في  
حاجة

لكن بجد النهاردة لازم اكلم معاه في موضوع الخطوبة  
انا هقوم اكلمو اكيدهيفرح اوي لما اعرض عليه انه يكلم ماما

امنية : مساء الفل يا حبيبي حمد الله علي السلامة

يونس : الله يسلمك يا حبيبي

امنية : اتغديت ؟

يونس : اه الحمد لله

امنية : طب رايق ولا مش رايق دلوقتي

يونس : مش سمعت صوتك يبقي لازم اكون رايق

امنية : ايوة ثبتني بقي

يونس : انها لحقيقة

بس قوليلي بتسالي ليه رايق ولا لا عايزة ايه

امنية : انت علي طول فاهمني كدا

يونس : اللي ربي خير من اللي اشترى  
هاه يا سيتي عايزة ايه

امنية : يونس احنا بقالنا كام سنة مرتبطين

يونس صوته اتغير وكأنه فهم انا هتكلم في ايه

يونس : سنتين يا امنية

امنية : طب هو مش المفروض تكلم ماما او كدا يعني

يونس : انتي اول مرة تطلبي مني الموضوع دا يا امنية اشمعني دلوقتي

امنية : عادي حسيت ان الفترة طولت وانا بصراحة مش قادرة اخبي  
علي ماما اكر من كدا

يونس : بس انتي عارفة ظروفني وعارفة ان لسة قدامي سنة كمان  
عقبال ما اكون جاهز

امنية : ماشي انا مقولتش حاجة بس علي الاقل ماما تبقي عارفة

يونس : طب خلاص يا حبيبي هكلمها اللي انتي عايزاه

امنية وصوتها كله فرحة : بجد يا يونس هتكلم ماما

يونس : اه يا حبيبي شوفي انتي عايزاني اكلمها امتي وانا هكلمها

امنية : انا هقوم اقولها دلوقتي

يونس : امنية انتي لسة مش عارفة تطمني ليا

امنية : لا .. لا طبعاً يا يونس ليه بتقول كدا

يونس : نبرة صوتك في السؤال تدل انك كنتي شاكة اني ممكن موافقش  
ونبرة صوتك لما قولتلك هكلم مامتك تدل انك اطمنتي وارتاحتي وكان  
كان جبل فوق قلبك

كلامي صح يا امنية ولا لا

امنية : لا مش كدا انا بس فرحت عشان حبيبي هيكلم مامتي

يونس : امنية انا عارفك اكثر من نفسك انتي لسة مبتثقيش فيا

امنية : انا مبعرفش اثق في حد غيرك اصلا

يونس : ماشي لو سمحتي هقفل دلوقتي

امنية : في ايه يا يونس انا ضايقتك في ايه

يونس : ولا حاجة بس انا عايز اقل دلوقتي

امنية : والله يا يونس انا مطمئن معاك وواثقة فيك جدا ليه حسيت كدا  
طيب

يونس : امنية لو سمحتي خلىنا نقل انا مودي قفل

امنية : خلاص يا حبيبي اللي يريحك

يونس : سلام

امنية : سلام

قعدت اعيط جامد اوي بعد لما كلمته حسيت هو كمان عنده حق  
احساس انك تتعامل مع حد شاكك فيك دايمًا ومش قادر يدريك الثقة  
وحش اوي وخصوصًا لما يكون شريك حياتك او الانسان اللي مرتبط  
بيه

وانا عارفة يونس تعب معايا لحد لما وثقت فيه

ووقتها قالي انا دلوقتي قدمتك كل حاجة تخليكي تثقي فيا

لو جيت يوم ولقيتك حسستيني انك مش واثقة فيا ومش مطمئالي

هتوجعيني اوي عشان مينفعش تبقي الانسانة اللي اخترتها واستأمنتها

علي نفسي

وعلي بيتي وعيالي بعد كدا شاكة فيا

امنية انا هكلم مريم احكيها وهي تقولي اتصرف ازي

امنية : الو ازيك يا مريم

مريم : الحمد لله مال صوتك

امنية : ينفع تجي تقدي معايا شوية

مريم : طب ما تجيلي انتي ورايا حاجات كثير لازم اعملها

امنية : طيب هقول لي ماما هشوفها هتوافق ولا لا

مريم : طب طمنيبي طيب مال صوتك

امنية : لما اشوفك هحكياك

مريم : ماشي خلي بالك من نفسك

امنية : حاضر سلام

مريم : سلام

امنية : ماما ينفع ارواح اقدم مع مريم شوية

ماما : اشمعني يعني ما تخليها هي تجيبك

امنية : مش فاضية

ماما : خلاص خليها وقت تاني انتي عارفة بخاف تنزلي لوحدك

امنية : معلىش يا ماما مش هتأخر

ماما : مالك يا امنية انتي معيطة؟؟

امنية : لا يا ماما ابدا انا يمكن بس مش نايمه كويس

ماما : ماشي روجي بس متتأخرينش

امنية : حاضر

ورجعت الاوضة لبست وكلمت مريم قولتلها اني هروحها وانا نازلة

ماما : امنية عايزة اقولك اعتبريني صاحبتك ولو في حاجة مضيقاكي

تعالى احكيلى وانا هسمعك

امنية : ربنا يخليكي ليا يا ماما انا عارفة

انا مش مضايقة انا بس زهقانة هروح اغير جو عند مريم وارجع

كويسة

ماما : علي فكرة يا امنية انا بحس بيكي بس مش مهم روعي عند مريم  
انتي بترتاحي معاها في الكلام

امنية : ربنا يخليكي يا ماما انا هنزل عشان متأخرش عايزة حاجة

ماما : خدي بالك من نفسك ولما تروحي عند مريم كلميني

امنية : حاضر متقلقيش

وراحت لمريم اول لما دخلنا اوضتها اترميت في حضنها وقعدت  
اعيط

مريم : اهدي يا امنية اهدي يا حبيبي واحكي لي براحة في ايه

امنية : انا بدمر حياتي بايدي مبعرفش اثق في حد  
دايما خايفة دايما حاسة ان اي حد هيقرب هيبعد من ثاني عني  
حتي انتي يا مريم خايفة تجوزي وتبعدي عني  
ويونس اتخانق معايا عشان دايما حاسس اني شاكة فيه ومش مدياه  
الثقة

انا تعبت يا مريم تعبت

مريم : انتي اللي حاطة عنكي علي حاجة فانت ومش راضية تخرجي  
منها مع ان جاتلك فرص كتير تخليكي تخرجي منها

اسمعيني يا امنية غلطك الكبير انك بتدي الناس ثقة مطلقة لما بيقربوا  
منك بتديهم ثقة انهم هيفضلوا معاكي لحد اخر نفس في حياتك  
بتعلقى حياتك علي اشخاص رابطة سعادتك بوجودي ووجود يونس  
وبس ومعدكيش ولا هدف تعلقى حياتك بيه  
وعشان كذا يا امنية بتنهارى لما حد بتحببته يبعد عنك انتي لازم تثقي  
في امنية قبل ما تثقي في اي حد تاني  
لازم تبني حياه لي امنية تقدر فيها تعتمد علي نفسها مش تعتمد عليا  
و علي يونس انتي حتي مفيش قرار بتعرفى تاخديه لوحدك  
قافلة حياتك علينا و علي الفيس وبس لازم تخرجى تشوفى الناس  
اشتغلي يا امنية اتعرفى علي ناس  
انتى كويسة اوي بلاش تدمري حياتك بايدك

امنية : طب هو انتى ويونس ممكن في يوم تسيبوني

مريم : شوفى انا بكلم فى ايه وانتى بتكلمى فى ايه

امنية : اصل يونس زعل منى عشان حس فى صوتى انى شاكة فيه  
ومش واثقة فيه

مريم : ودا حقا يا امنية انك متدهوش مطلق الثقة غير وهو دبلته فى  
ايديكى

تقدرى تقولىلى لو لا قدر الله انتى ويونس ملكوش نصيب فى بعض  
هتعملى ايه

امنية : انا اصلا اترعبت من مجرد انها فكرة بعد الشر يا مريم دا انا  
ممکن اموت

مريم : لازم تعرفي ان مفيش حد بيموت من غير حد في ناس غالية  
علينا اوي فارقتنا

كمان مكنش فراق ليهم ذنب فيه افتكري كدا حد عزيز عليكي اوي  
مات

فكري في زعلك وقتها كان عامل ازي وانك كنتي حاسة انك مش  
هتعيشي بعده

واديك عايشة دلوقتي ويمكن بتفتكريه كل فين وفين  
هي دي الدنيا لا بتقف عند حد ولا في حد بيموت من فراق حد  
وعشان كدا لازم تقوي يا امنية ضعفك دا هو اللي هيبعد الناس عنك  
وهيبعدك حتي انتي عن نفسك وهيجي اليوم اللي تكرر هي ضعفك فيه

امنية : طب اعمل ايه

مريم : حددي ليكي اهداف في حياتك بعيدة عن الناس شوفي نفسك تبقي  
ايه

انزلي اشتغلي انزلي جمعيات خيرية اتطوعي فيها اعرفي ناس  
ومتعتمديش علي حد

اعتمدي علي امنية وبس عشان لو جه اليوم وبقيتي فيه لوحدك تعرفي  
تعيشي

والوحدة دي وقتها هتكون فترة مؤقتة وهتعرفي ناس وتحببهم ويبعدوا  
وتعرفي ناس تانية وتفضل في حياتك لحد اخر العمر

امنية : هتساعديني

مريم : بقالي ساعتين بتكلم ليه حضرتك

امنية : ربنا يخليكي ليا انا بحبك اوي

مريم : وانا كمان بحبك اوي وامسحي دموعك دي ونسيت اقوالك  
متخليش حد يعرف نقطة ضعفك مهما كان هو مين

امنية : بس دا صعب اوي انا لما بحب حد ببقى معاه علي طبيعي  
بضعفي وقوتي بكل حاجة فيا

مريم : ما احنا اتفقنا بقي لازم نتغير((:))

امنية : ان شاء الله  
انا هروح بقي عشان ماما متقلقش عليا

مريم : خليكي قاعدة معايا شوية

امنية : مش هينفع معاش بجد شكرا اوي ليكي انا ارتحت اوي لما  
اتكلمت معاكي

مريم : بس يا هبله مفيش شكر بنا

امنية انتي محكتليش عملتي ايه مع يونس كلمتيه

امنية : اه كلمته ووافق انه يكلم ماما بس اتخانقنا في اخر المكالمه  
عشان حس اني مش واثقة فيه  
معرفش لسة هيكلمها امتي لما نتصالح ان شاء الله

مريم : ممممم ماشي ربنا يكتبك الخير يارب

امنية :امين يارب بس انتي ليه مهتمه اوي بموضوع الخطوبة دا  
مريم : ابدأ يا حبيبي عايزة بس اطمن عليك وافرح فيكي(:(

امنية : ان شاء الله ربنا يسهل

ورجعت البيت ودخلت علي اوضتي كالعادة وقعدت افكر في كلام  
مريم فعلا مريم عندها حق في كل كلمة قالتها  
انا حاسة اني عاملة زي البلونة فاضية اووووي من جواها انا لازم  
انمي نفسي وموقفش حياتي علي حد  
انا لازم اقوي ومخافش من بعد الناس عني انا بخوفي منهم ببعدهم اكثر  
عني

قد ايه يا يونس انا محتجالك دلوقتي مش عارفة ليه مبردش عليا دا من  
ساعة لما عرفنا بعض مهما اتخانقنا كان بيرد  
هو اكيد زعل اوي لما لقاني مش واثقة فيه بصراحة انا لازم اتغير  
عشان يونس

\_ لا مريم قالتلي اني لازم اتغير عشان نفسي مش عشان حد  
\_ حتي لو الحد يبقي يونس  
\_ يونس اكيد هيفرح لما اتغير بس انا هتغير الاول عشان نفسي  
\_ لازم احبني ويبقي عندي ثقة فيا عشان هو كمان يحبني

انا قررت اتغير وهدأ من النهاردة )):

وبعد لما قررت ان اول يوم هتغير فيه المفروض هو امبارح قضيت  
كل الليل وانا بعيط  
يونس مكلمنيش ومش بيرد لا علي رسايل ولا علي مكلماتي ياتري  
زعل جامد اوي ولا ابييه

اول لما صحيت كلمته والحمد لله رد عليا

يونس : ايوة يا امنية عايزة ايه

امنية : طب قول صباح الخير الاول

يونس : صباح الخير يا امنية عايزة ايه

امنية : مقدرش انك تزعل مني والله اللي وصلك امبارح دا مش قصدي  
خالص

انا بجد خالص قررت اني اتغير يا يونس بس محتجالك جنبي

يونس : اتغيري لنفسك متتغيريش عشان حد

امنية : اكيد بس انا كمان نفسي ارضيك واسعدك

يونس : ان شاء الله ربنا يسهل

امنية : طب انا هسيبك دلوقتي تهدي شوية ولما تبقي رايق نبقي نتكلم

يونس : تمام ماشي يلا سلام

امنية : سلام

انا حاسة اني تايهه مش عارفة اتغير ازي ازمة الثقة اللي عندي بقالها  
معايا اكثر من ١٥ سنة ازي هقدر اتغلب عليها  
انا عارفة ان التغير صعب اوي بس انا بجد زهقت من حياتي كدا انا  
لازم اعمل حاجة

انا هروح اتكلم مع ماما هي قارية كتير في الحاجات دي وطول عمرها  
بتحب علم النفس  
ماما دايمًا بتحاول تقرب مني بس انا عمري ما فكرت اني اكون قريبة  
منها

يمكن عشان مفيش تفاهم ما بنا او عشان هي عصبية وكل حاجة تزعق  
هي طيبة اوي بس انا عارفة ان اللي هي شافتوا في حياتها كتير وليها  
حق تبقي كدا  
انا هروح اكلم معاها

امنية : ماما عايزة اكلم معاكي

ماما : تعالي يا حبيبتي خير

امنية : ماما انا نفسي اتغير ويبقي عندي ثقة في الناس واتعامل معاها  
من غير خوف مش عارفة ابدأ منين ومش عارفة اتغير

ماما : عشان انتي حاطة موقف باباكي في دماغك كل لما تقربي من حد  
تقارني موقف باباكي تخافي

لحد ما بعدتي عن كل الناس من صغرك ومبقتيش عايزة تعرفي حد  
الناس مش وحشة يا امنية زي ما انتي بتفكري في حلو في وحش  
شطارتك لما تعرفي تعاملي الوحش والحلو لإنك اكيد مش هينفع  
تتعاملني مع الحلو بس

لازم يكون ليكي شخصية وإدراك ووعي عشان تعرفي تفهمي الناس  
ومتتخدعش فيهم

انتني يا امنية اي حد يقولك كلمتين بتقتنعي بيهم ودا مينفعش

انتني مبقتيش صغير يعني لازم يكون ليكي رأيك

لازم تعرفي ان مش دايمما اللي بيبان من الناس هو الحقيقة

ممکن جدا يكون لابسيين قناع بيضحكوا بيه عليك و ممکن يكونوا  
صادقين

امنية : انتني بتخوفيني اكثر يا ماما

ماما : لا مبخوفكيش بس لازم تعرفي ان مش كل الناس ملايكة ولا كل  
الناس شياطين

حلو انك متسلميش للي قدامك بس مش حلو انك تشكي فيه

عارفة يا امنية اول سبب انك مش واثقة في الناس ايه

امنية : ايه؟؟

ماما : انك مش واثقة في نفسك لو انتي واثقة في نفسك مش هيهك اي  
ناس

اللي يجي في حياتك اهلا وسهلا واللي يروح مع السلامة انتي تقدي  
تجيبني غيرهم

وهيكونوا احسن منهم بمليون مرة  
متفليش حياتك علي حد يا امنية مهما كان الشخص دا مين  
حتي انا مينفعش تقفلي حياتك عليا

امنية : طب انا اتكلمت مع مريم وكان رأيها اني انزل اشتغل وانزل  
جمعية خيرية انتي ايه رأيك

ماما : حلو جدا بس مش دلوقتي لما تقفي علي رجلك وعلي الاقل تبقي  
واثقة في نفسك بعد كدا تقدي تنزلي الشغل ووقتها اضمنلك انك تثقي  
في الناس

امنية : طب ازي يكون عندي ثقة في نفسي

ماما : اولا لازم يبقي عندك ثقة بالله ثم ثقة في نفسك  
لان نفسك عمرها ما هتكون قوية طول ما هي بعيدة عن ربنا  
ثاني حاجة لازم تشيلي من دماغك موضوع باباكي دا باباكي ماجر مش  
يا امنية

ظروفنا وقتها مكنش ينفع انه يفضل في مصر وكان فرصة الشغل  
الحلوة اللي جاتله في السعودية

وهو عمل كدا عشانك عشان تعيشي كويس وانتي عارفة باباكي بيحبك

قد ايه

بلاش تحكمي علي المواقف من بره وانتى معشتيش فيها

امنية : اللي يشوفك وانتى بدافعي عن بابا يحس انكوا زي السمنة علي  
العسل مش انتى مبتكلمهوش برضو

ماما : مبتكلمهوش دي حاجة خاصة بيني وبينه لكن انتى يا امنية  
هتتبري من ابوكي مثلا عشان موقف عمله زمان مكنش بإرادته

امنية : بس انا مش قادرة اتعامل معاه زي زمان واحبه زي زمان

ماما : انتى اللي حاطة الحاجز دا بينه وبينك زي ما انتى حاطة الحاجز  
دا بينك وبين الناس  
امنية : ماشي كمل كلامك

ماما : لازم تحبى امنية وتعرفى ان ربنا خلقها لهدف فى الحياه مش انها  
تقعد طول اليوم علي الفيس وبس  
لازم يكون ليكي دور ايجابي لازم تعمري فى الارض ودا مش هيحي  
إلا وانتى واثقة فى نفسك وليكي هدف  
اكتشفي نفسك ادخلي جوه اعماقك هتلاقي انسانة تانية انتى اهملتى فيها  
جامد اوى وهتلقيا انسانة جميلة تستحق الاهتمام  
شوفي مواطن القوة اللي جواكي ونميتها وطلعيتها واستخدميتها صح  
خلي بالك ان فى شعرة بين ثقتك بنفسك والغرور دي لازم تبقي  
مدركاها جدا وانتى بتنمي نفسك وبتكتشفها

افكارك هي مخلوق انتي اللي بتتحكمي فيها فا بالتالي ممكن افكارك دي  
تخليكي احسن واحدة في الدنيا  
وممكن برضو بافكارك تقعدى تقولي انا مبتقش في حد انا انسانة مليش  
لازمة في الحياه انا معرفش ايه  
لكن انتي استخدميهما في صالحك وخليها تصالحك علي نفسك خلي  
افكارك ايجابية

متفكريش في الماضي دا حاجة خلاص خلصت ابدأي من النهاردة  
واعرفي ان ربنا بيدي كل انسان حاجة بتميزة عن الباقي  
حاولي تكتشفها وتطورها دي هتخليكي انسانة مميزة وليكي بريقك  
الخاص ومتقارنيش نفسك بحد  
اقبلي انتقاد الناس ليكي ومتكرهيش اللي بينتقدك ممكن فعلا يكون همه  
مصلحتك

بس برضو مش معني كدا ان كل اللي بينتقدك علي حق فا تاخدي  
الانتقاد وتفكري فيه كويس جدا وتستفيدي منه

امنية : انا كنت فاكرة ان الموضوع اسهل من كدا بكتير

ماما : الموضوع سهل يا امنية ومش صعب وحتى لو صعب هو في  
نجاح بيحي من الهوا  
اعرفي ان نفسك هي اول طريق للنجاح واول الطريق دا لازم يبقي فيه  
تعب

امنية : بجد ربنا يخليكي ليا وانتي دايمًا برضو قويني ولو بطلت اتغير  
شجعيني اني اكمل

ماما : انا فرحانة بيكي اوي يا امنية انتي عارفة اصعب حاجة هي انك  
تعرفي فيين المشكلة

بدل عرفتي فيين المشكلة الحل دا اسهل حاجة وانا واثقة في بينتي انها  
ان شاء الله هتبقي واثقة من نفسها  
وهتبقي حاجة كبير قد الدنيا افتخر بيها قدام الناس كلها واقول دي تبقي  
بنتي

امنية : وانا مش هخيب ظنك ان شاء الله ((:))

ودخلت اوضتي عشان افرح يونس بكلام ماما وقد ايه انا محتاجة منه  
تشجيع اني اتغير

امنية : حبيبي ازيك

يونس : تمام الحمد لله انتي عاملة ايه

امنية : كويسة اوي الحمد لله

يونس : صوتك فرحان خير فرحيني معاكي

امنية : اصل انا اتكلمت مع ماما

يونس صوتته قلب وقاله كأنه مخضوض

يونس : اتكلمتي مع مامتك اني هكلمها!!!

امنية : في ايه مالك اتخضيت كدا ليه

يونس : لا متخضتتش بس احنا لسة متفقااش هكلم طنط امتي

امنية : انا مكلمتهاش في موضوعنا لسة

يونس يتنفس الصعداء ويهدي صوته

يونس : اها او مال اتكلمتوا في ايه يا حبيبي

امنية : اتكلمت معاها عن موضوع الثقة دا

وبدأت احكيلوا علي كل كلام ماما ليا وكان فرحان جدا اني هتغير  
وعمال يشجعني

يونس : انا فرحان بيكي اوي يا حبيبي وواثق فيكي

امنية : ساعدني بقي عشان اول الطريق هيبقي صعب اوي

يونس : اكيد طبعا انا عنيا ليكي

امنية : ربنا يخليك ليا  
طب هو انت هتكلم ماما امتي

يونس : بصي يا امنية لا انا ولا انتي جاهزين للخطوة دي

امنية : ازي مش جاهزين للخطوة دي؟؟

يونس : يعني الخطوة دي هتكون فيها مسئولية اكبر عليا وعليك و انتي  
دلوقتي كمان لازم تركزي في اثبات نفسك وتعيدي الثقة  
وبصراحة كدا مش هقدر ان اكلم مامتك في اي ارتباط غير لما اتأكد  
انك اتغيرتي

امنية : نعم !!!

يعني انا لو مكنتش هتغير يعني مكنتش هتتقدملي

يونس : لا يا حبيبي اكيد كنت هتقدمك انا بس خايف عليك اوي ومش  
عايز اي حد تأثر علي تغيرك  
وانتي عارفة الخطوة دي صعبة وممكن يحصل فيها ليكي مشاكل مع  
مامتك وانا مش عايز تبقي في اي مشكلة دلوقتي  
وبعدين لما يبقي عندك ثقة في نفسك زيادة هتقدر تدافعي عن  
الموضوع مش يمكن مامتك وباباكي يرفضوني  
لو اتقدمت دلوقتي ورفضوني انتي مش هتعرفي تدافعي عن اختيارك  
لكن لما يبقي عندك ثقة في نفسك هتقدر تدافعي عن قرارك  
بكلم صح ولا غلط

امنية : بس انا محتجاك تكون قريب مني قدام كل الناس انا حاسة اني  
بسرق انا حتي مبعرفش اشوفك

يونس : طب بصي الموضوع دا مش نافع نكلم فيه في التليفون انا لازم  
اشوفك

امنية : ما انت عارف اني صعب انزل

يونس : معلش اتصرفي موضوع مصيري زي دا لازم اشوفك ونكلم  
فيه

امنية : خلاص حاضر طب هنتقابل فيين وامتني

يونس : نتقابل بكرة ان شاء الله بعد شغلي في سيتي ستارز يعني علي  
الساعة ٥ كدا

امنية : ماشي

يونس : ايه دا بجد اخيرا هشوف القمر انا مش مصدق نفسي

امنية : بطل بكش يا واد

يونس : لا بجد انتي وحشتيني اوي بقالي كتير مشوفتكيش وبقالنا كمان

كام يوم مكناش بنكلم

امنية : انت كمان يا حبيبي وحشتني اوي وفرحانة اوي هشوفك

يونس : طب يلا بقي انا هدخل انام عشان الوقت يعدي بسرعة وبكرة  
يجي واشوفك

امنية : وانا كمان هدخل انام

يونس : ماشي تصبحي علي خير

امنية : وانت من اهل الخير

وتاني يوم

امنية : صباح الخير يا ماما

ماما : صباح الخير يا حبيبتني

امنية : ماما انا عايزة اخرج النهاردة شوية

ماما : مع مين

امنية : مع مريم بقالي كتير مخرجتش يا ماما وحياتي وافقي

ماما : هتخرجي علي الساعة كام

امنية : يعني علي ٥ كدا

ماما : ماشي بس متتأخرش

امنية : لا ان شاء الله مش هتأخر

انتي هتخرجي النهاردة ولا لا

ماما : لا مش رايحة في حته هقعد اخلص حاجات في البيت

امنية : ماشي يا حبيبي

والساعة ٥

قابلت يونس

يونس : حبيبي ازيك وحشتيني اوي

امنية : انت كمان اخيرا شوفتك

يونس : معلى حقاك عليا انا عارفة اني مآثر معاك

امنية : ولا يهملك يا حبيبي المهم انك معايا



وبعد شوية كان يونس ماسك ايدي وقاعدين بنكلم بجد كنت فرحانة  
اوي بالخاتم اللي جايبهولي  
وفجأأأأأأ

امنية : ماما ....

ماما..... :

انا ويونس قومنا وقفنا وانا قعدت اعيط جامد وماما مبتكلمش كل اللي  
هي عملاه انها عمالة تبصلنا

وبعد ١٠ دقائق من السكوت

ماما : ايه دا ومين دا

امنية : انا انا والله كنت هحكياك

ماما : لو سمحتي قدامي دلوقتي علي البيت انا ماسكة اعصابي بالعافية

امنية : حاضر

يونس : طنط ثواني

ماما بكل نرفزة : نعم عايز ايه

يونس : ممكن بس حضرتك تقعدني شوية نتكلم

ماما : تتكلم ؟

تتكلم تقول ايه ان شاء الله

انك واحد مش متربي بتضحك علي بنات الناس

يونس : انا مضحكش علي حد انا بحب امنية و كنت مستني ظروفي

تسمحلي علشان اجي اتقدملها

ماما : ترضي علي اختك تكون في الوضع دا لو شوفت اختك كدا

هتعمل ايه

يونس : ..... هقعد اتكلم معاها واشوفها عملت كدا ليه ولو بتحبه

هسهلها الموضوع واعرفه كويس

ماما : بتضحك عليا ولا بتضحك علي نفسك

يلا يا امنية

امنية وهي منهارة في العياط : حاضر

طول ما احنا في الطريق حاطة وشي في الارض مش قادرة ارفع وشي

في وش ماما مش عارفة هقول ايه لما نروح

مش عارفة رد فعلها هيكون ايه  
واول ما روحنا البيت

ماما : انتي يا امنية انتي تعملي كدا سيبتي ايه للبنات اللي مش متربية  
انا بجد مصدومة فيكي وانا اللي كنت نازلة اجيبلك كتب عن الثقة في  
النفس عشان اعلمهاك مفاجأة  
اتاريكي عايزة تتغيري عشان تعجبي البيه ليه يا امنية تعملي كدا انا  
ربيتك علي كدا يا امنية  
ردي عليا يا امنية انا ربيتك علي كدا

امنية : لا

بس

بس

ماما : بس ايه يا امنية اتكلمي

امنية : انا علي طول لوحدني ويونس الوحيد اللي عرف يقرب مني وهو  
كان بيديني اللي اتحرمت منه من بابا

ماما : بابا بابا بابا

بابا دا الشماعة اللي بتعلقي عليها غلطاتك وهو المهرب اللي بتهربي  
منه كل لما يحصلك مصيبة

انتي راضية عن اللي انتي عملتيه ???

امنية ووشي في الارض : لا

ماما : عارفة ان دا يغضب ربنا ولا لا

امنية : اه

ماما : ازي تعرفي ان دا يغضب ربنا وتعمليه اززززي انا مش  
مصدقة عنيا انا حاسة اني في كابوس  
ويا تري بقي تعرفي البيه بقالك قد ايه

امنية : بقالي سنتين

ماما : بقالك سنتين بتستغفليني يا امنية  
وعرفتيه منين ان شاء الله

امنية : فاكرة التدريب اللي نزلته في شركة تبع الجامعة انا قابلته هناك

ماما : ومجتيش حكيتلي ليه

امنية : خوفت

ماما : ومخوفتيش اشوفك وانتي معاه بالمنظر دا

امنية..... :

ماما : عارفة انا دلوقتي عرفت ليه انتي مبتتقيش في نفسك وضعيفة  
كدا

عشان انتي طول ما انتي بتعملي غلط طول ما انتي هتبقي خايفة في كل  
حاجة بتعملها

ازي يعني هيبقي عندك ثقة في نفسك وانت بتخوني الثقة اللي انا  
اديتها لك  
وقبل ثقتي انتي بتغضبي ربنا

امنية : انا اسفة بس والله لما نزلت النهاردة معاه كان عشان نتفق  
هيكلمك ويقولك انه عايز يتقدملي

ماما : لا يا شيخة بعد سنتين نازلة تتفقي معاه عشان يكلمني ما تستني  
لما كنتوا تحددوا معاد الفرح وبعدين كنتي تقوليلي

امنية : انا عارفة اني غلطانة بس والله خوفت اقوالك

ماما : بصي يا امنية لأول مرة في حياتي هقولها لك  
متكلمنيش يا امنية ماشي ولسانك ميخاطبش لساني

امنية : ماما عشان خاطري ابوس ايديكي سامحيني والله ما هكلمه تاني  
ولو مش عايزاه يجي يتقدم خلاص والله موافقة  
بس مقدرش اني مكلمكيش انا مليش حد في الدنيا غيرك

ماما ولأول مرة اشوفها وهي بتعيط جامد : ابعدني عني يا امنية  
وسيبيني لوحدي

امنية : ابوس رجلك سامحيني والله ما هعمل كدا تاني

ماما : اثبتلك انه مش راجل وانه مجرد واحد بيتسلي بيكي  
روحي كلميه وقوليلوا ماما عايزاك تيجي البيت تقعد تكلم معاك

امنية : بجد ؟؟

ماما : اه كلميه بس قدامي

امنية : حاضر

يونس : ألو

امنية : ايوة يا يونس ماما عايزاك تيجي البيت تقعد تكلم معاها

يونس : امتي

امنية : ماما يجي امتي

ماما : بكرة

يونس : حاضر

امنية : هتيجي

يونس : اه اكيد

انتي كويسة

امنية : متأخرش بكرة

سلام

امنية : شوفتي بقي يا ماما اهو طلع راجل اهو وهيجي بكرة

ماما : مش هيجي وهتشوفي متكلمهوش يا امنية بعد لما ادخل انام

وتقدي تتحايلي عليه يجي

ولا اقولك ليه متكلمهوش انا هاخذ منك الموبايل واللاب واعاملك زي

المراهقين بقي بدل انتي مينفمش معاكي الثقة

امنية : حاضر الموبايل اهو وثواني هجبلك اللاب

ماما : ماشي وهتنامي معايا النهاردة في الاوضة

امنية : ليه

ماما : عادي بقي ما انا مبقتش واثقة فيكي ممكن تكلميه باي طريقة

وافتكري ان انتي اللي حكمتي علي نفسك بانني اسحب ثقتي فيكي

امنية : بس انتي هتاخدي الموبايل واللاب

ماما : قولت هتنامي معايا في الاوضة لحد لما نشوف بقي هيجصل ايه  
بكرة ان شاء الله

امنية : حاضر)):

بعد ساعتين لا انا ولا ماما عارفين ننام ومبنتكلمش انا هموت من  
جوايا اناي وجعت ماما الوجع دا

انا عارفة اناي غلطانة مليش عين اتكلم ولا اقول اي حاجة بجد مش  
عارفة اعمل ايه

ياتري يا يونس هتيجي بكرة ان شاء الله ولا هتكسفني وتكسر قلبي  
لا استحالة طبعاً يونس اكييد هيبجي استحالة يسبيني لوحدي في موقف  
زي دا

وتاني يووم.....

وتاني يوم

معرفتش طبعا انام خالص طول الليل واعتقد كمان ان ماما منامتش  
كانت عيني مبتتشافش من علي الموبايل  
خايفة يونس يتصل ولا بيعت اي مسج وماما تشوفها بجد اسوء موقف  
اتحطيت فيه في حياتي

امنية : صباح الخير يا ماما

ماما وهي مش بصالي : صباح النور

وبعد ساعتين قاعدين لا انا بكلم ولا ماما بتكلم

امنية : ماما هو ممكن اتصل بي يونس اشوفه هيجي امتي

ماما : لا

امنية : حاضر

ماما : علي فكرة مش معني اني بكلم معاكي ان عقابي مش هنفذه احنا  
فعلا مش هنكلم بس لما اشوف هيحصل ايه النهاردة

امنية : ابوس ايديكي يا ماما متعمليش كدا اضربيني اشتميني اعلمي اي

حاجة فيا بس بلاش موضوع الخصام دا

ماما : واضربك ليه هو انتي فاكرة نفسك لسه صغيرة كفاية عليكي  
عقاب الخصام

امنية : والله يا ماما دا اشد عندي من الضرب اضربيني زي ما انتي  
عايزة انا عارفة اني غلطانة واستاهل

ماما : بدل غلطانة وتستاهلي يبقي انا اللي اختار العقاب مش انتي  
ممكّن تسكتي بقي

امنية : حاضر)):

والساعة ٦

ماما : البيه مجاش ولا اتصل يعني جالك كلامي

امنية : اكيد جاي يا ماما هو بيخلص شغله الساعة ٥ لو مكنش هيجي  
مكنش هيكلمني امبارح

ماما : ولو كان هيجي كان هيتصل اول لما يخلص شغله او الصبح يؤكد  
انه جاي

امنية : يمكن حصل اي ظروف نستني شوية



ماما : طبعاً مبيردش صح

هزيت دماغى اه

ماما : عشان تبقي تسمعي كلامي وتعرفي ان انتي مبقاش عندك ثقة في الناس بسبب انك بتختاري غلط وبتعملي حاجات غلط

جريت علي اوضتي وقعدت اعيبط جامد بعدها بنص ساعة لقيت الموبايل بيرن رنة المسج جريت علي الموبايل لقيت ماما خدته

ماما : اكيد حبيب القلب باعت يثبتك بكلمتين علي العموم خدي انا مش هقراها خليكى انتي تقريها يمكن تفوقي من اللي انتي فيه

الرسالة كانت من يونس بيقولي ( انا اسف مش قادر اخذ الخطوة دي انا مش هينفع اعلقك بيا وانا معرفش مستقبلي هيبقي عامل ازي مترعلىش مني)

ماما : هاه قالك ايه

مقدرتش اقرأ الكلام اديتها الموبايل تقرا الرسالة

ماما : بعد سنتين ومش عايز يعلقك بيه او مال بقاله سنتين بيعمل ايه



ماما : خدي يا حبيبتى الموبايل اهو

امنية : الو ايوة يا مريم

مريم : فى ايه صوتك ماله

امنية : تعاليلي دلوقتى

مريم : اجيلك فيين يا بنتى الساعة ٩.٣٠ مش هينفع طبعا ماما مش  
هترضى

امنية : ماما خدي كلميها قوليلها تيجي انا مش قادرة اكلم

ماما : ايوة يا مريم

مريم : ازيك يا طنط امنية ماله

ماما : ينفع يا حبيبتى تيجي دلوقتى امنية محتجالك اوي

مريم : طب افهم طيب يا طنط فى ايه

ماما : مش هينفع احكيلك فى التليفون هاتى مامتك اكلمها حتى انا ممكن  
اجي اخذك بس لازم تيجي

مريم : طب ماما معاكي

ماما :السلام عليكم ازيك يا حاجة

مامت مريم : و عليكم السلام الحمد لله بخير  
ازيك انتي وامنية عاملة ايه

ماما : الحمد لله

بستأذنك بس انا محتاجة مريم شوية ينفع اجي اخدها وهرجعها تاني ان  
شاء الله مش هأخرها  
معلش انا عارفة الوقت متأخر بس بجد الموضوع ضروري

مامت مريم : خير يا حاجة ان شاء الله خليكى انتي مرتاحة وانا هخلي  
اخوها يجيها ووقت لما تخلصوا يبقي يجي اخدها

ماما: ربنا يكرمك يارب شكرا

مامت مريم : لا شكر علي واجب  
ويارب خير ان شاء الله

ماما : يارب ان شاء الله

وبعد نص ساعه مريم جت

مريم : خير يا طنط في ايه انا هموت من الرعب امنية مالها فيها ايه

امنية : احلقيني يا مريم تعالي شوفي اللي حصلي

مريم : اهدي طيب يا حبييتي فهميني حصل ايه

امنية : احكيلها يا ماما انا مش قادرة اكلم

ماما : امبارح نزلت اجيب لي امنية كتب وشوفتها مع يونس طبعا  
اتصدمت وبعد لما رجعنا طلبت منها انه يجي النهاردة البيت  
وقولت لها انه مش هيجي وهتبتلك انه مش راجل وفعلا مجاش واديكي  
شايقة حالتها اهي من ساعة لما عرفت انه مش جاي  
وباعتلها رسالة يقولها مش قادر اخذ الخطوة دي ومش جاهز ليها ومش  
هينفع اعلقك بيا

مريم في حاله ز هول : ايه انتوا بتكلموا بجد

امنية : شوفتي عمل فيا ايه يا مريم ليه طيب انا عملتله ايه

مريم : ممكن يا طنط ادخل معاها الاوضة لوحدنا شوية

ماما : اتفضلي يا حبييتي

مريم : اهدي يا امنية انا في الفترة الاخيرة كنت حاسة انه مش راجل  
عشان كدا قولتلك كلمية في موضوع الخطوبة  
امنية : يعني انا اللي كنت غبية ومش فاهمة انه يلعب بيا وهو كان  
باين

دا حتي بصي امبارح جابلي الخاتم دا طب ليه كان بيعمل كدا

مريم : عشان يا عبيطة تهدي عليه في موضوع الخطوبة بحتته الخاتم  
اللي هتفرحي بيه

امنية : انا تعبانة اوي يا مريم وبجد مصدومة فيه انا نفسي اكلمه اسأله  
انت عملت كدا ليه

مريم : تكلمي ميين انتي بتستعبطي انتي اصلا خلاص تنسي الموضوع  
دا خالص صفحة واتقفلت في حياتك ومتكلميش فيها تاني  
ورقمك دا يتغير اصلا واعمليلوا بلوك من علي الفيس

امنية : مش هقدر يمكن يكلم ويرجع  
مريم : لا انتي هبله رسمي بقي حتي لو رجع او عي ترجعي تبقي  
بترخصي نفسك لو رجعتي

امنية : لا ما انا هرجع لو هو اتقدم رسمي

مريم : متعلقيش نفسك بحبال دايبه انتي ترضي تعيشي مع واحد فعلا  
زي ما قالت طنط مش راجل

امنية : بس انا بحبه

مريم : انتي بتحبيه عشان انتي قافلة حياتك ومفيش فيها حد غيرنا انا  
عارفة ان الموضوع صعب عليك بس عايزة اقولك حتي لو اتقدم  
رسمي وماماتك وافقت

انتى متوافقيش لان انتى كدا هتبقى بتخسري نفسك وهيزلك ذل لا  
تتخليه وهيسيبك ويرجع يسيبك ويرجع عشان عارف انه هيرجع  
يلاقىكي

عارفة او حش حاجة ان الراجل يعرف انك متقدريش تعيشي من غيره  
هيعمل كل اللي هو عايزه وفي الاخر يجي يستسمحك لانه هيبقى  
عارف انك هتسامحي علي طول

وخبط الباب

ماما : امنية معاكي رقم اي حد من اهله

امنية : اه معايا رقم اخوه الكبير ومامته

ماما : هاتي رقم مامته

امنية : ليه

ماما : هكلمها

امنية : هتقوليلها ايه

ماما : ملكيش دعوة

مريم : ادي الرقم يا امنية لي مامتك هي اكبر مننا وتعرف تصرف  
احسن

امنية : حاضر الرقم اهو

وكلمت مامت امنية مامت يونس

وبعد لما ماما خدت رقم مامت يونس  
بعد نص ساعة روحت انا ومريم نشوف ماما عملت ايه

امنية : مالك يا ماما بتعيطي ليه هي قالتلك حاجة ضايقتك

ماما: لا يا امنية انا مكلمتهاش

امنية : مكلمتهاش ليه وبتعيطي ليه

ماما : مكلمتهاش عشان فكرت قولت لو قولتلها ابنك مش متربي  
وببيضحك علي بنات الناس هتقولي طب ما بنتك كمان مش محترمة  
انها تكلمه وتخرج معاه

انتي كسرتيني يا امنية ومبقاش ليا عين ادافع عنك بقلب جامد

امنية : انا اسفة سامحيني والله ما هعمل كدا تاني

مريم : طب يا طنط انا اسفة لازم انزل اخويا تحت ان شاء الله بكرة  
هاجيلكوا من بدري

ماما : ربنا يكرمك يا حبيبتني معلش تعبناكي معانا

مريم : متقوليش كدا يا طنط انتي عارفة امنية زي اختي

وبعد ما مشيت مريم

ماما : امنية ادخلي نامي بقالك يومين مبتناميش

امنية : حاضر يا ماما

ماما : تعالي نامي معايا في الاوضة

امنية : والله يا ماما مش هكلمه خلاص الموضوع خلص مينفعلش اكلمه  
اصلا

ماما : امنية مش بقولك كدا عشان هتكلمية بقولك كدا عشان هبقي قلقانة  
عليكي

امنية : مسمحاني يا ماما

ماما : المسامح ربنا

امنية : ماما انا بجد مش هعرف اعيش كدا كفاية الصدمة دي عليا مش  
هستحمل زعلك انتي كمان مني

ماما : خايفة ارجع اثق فيكي تكسريني تاني

امنية : انا اتوجعت اوي يا ماما استحالة اجر ب الموضوع دا تاني انا  
ندمت جدا عليه

ماما : تصرفاتك هي اللي هتخليني ارجع اثق فيكي تاني

امنية : مش هعمل اي حاجة تاني من وراكي ولو عايزة تاخدي  
الموبايل خديه واللاب انا خلاص مبقتش عايزاهم

ماما : لا مش هاخذ حاجة منك الحاجة الوحيدة اللي عايزاكي تعملها  
انك تغيري رقمك وتشليه من الفيس بوك

امنية : حاضر يا ماما

ماما : علي فكرة انا عارفة ان الفترة دي هتبقى صعبة عليك اوي  
وانتي بنتي مهما غلطتي مش هقدر اقوي عليك  
لما تبقي عايزة تكلمي تعالي اتكلمي معايا هتلاقيني سمعاكي

امنية : ربنا يخليكي ليا

ماما : وهنكمل في التغير اللي كنتي عايزة تتغيريه ماشي ؟

امنية : حاضر انا محتجالك جنب اوي

ماما : وانا جانبك بس يا امنية بجد لو خسرتي ثقتي تاني فيكي عمرها

ما هترجع

امنية : عمرك ما هتخسريها

ماما : و علي فكرة برضو لو عايزة تنزلي شغل زي ما انتي عايزة انا  
موافقة

امنية : هستني الاول لما افوق ويبقي عندي ثقة في نفسي وانزل الشغل  
زي ما قولتيلي

ماما : ماشي يلا نامي عشان متتعبيش

امنية : حاضر

وتاني يوم

كنت فاكرة اني مش هنام بسبب كتر التفكير بس استغربت اني نمت  
بسرعة ونمت كثير جدا وكان بقالي سنين منمتش  
وجود ماما جنبي كان مطمئني اوي عرفت قد ايه هي بتحبني وبجد  
اخذت قرار اني هحكيها علي الكبيرة والصغيرة  
عمر ما في حد هيخاف عليا قد ما ماما تخاف عليا

انا لسة مش قادرة استوعب الصدمة اللي انا خدتها مش متخيلة ان  
خلاص كل حاجة خلصت موجوعة اوي من يونس

ومصدومة فيه بس فعلا خلاص ميستحقش اني از عل عليه

ماما : امنية مريم بره اخليها تدخل تقعد معاكي ولا انتي هتيجي تقعدني  
معانا

امنية : لا انا جاية اقعد معاكوا

مريم : حبيبي عامله ايه النهاردة

امنية : الحمد لله تمام

مريم : يلا بقي عشان انا كمان عايزة اتغير ويبقي عندي ثقة في نفسي  
يلا عشان تشجعيني اننا نتغير سوا

امنية : هنعمل ايه

مريم : الكلام اللي مامتك قالتها لك لازم نعمله

امنية : ماشي

مريم : بصي يا امنية انا عارفة ان الفترة دي هتكون صعبة عليك اوي  
متمثلش انك مفيش حاجة وانت قوي  
انت هتبعي قوية لما تخرجي كل طاقة الحزن اللي جواكي عيطي طلعي  
حزنك بالطريقة اللي تعجبك

عشان بعد كدا لما الفترة دي تخلص متحسبش انك عندك كبت  
ومطلعتيش اللي جواكي  
وتبدأي من جديد حياتك عادي خالص ولا كأن في حاجة

امنية : نفسي هتصعب عليا لو عيبت عشان هو اصلا ميستهلش اني  
اعيط عشانه

مريم : انتي مش بتعيطي عشانه انتي بتعيطي عشان انتي جواكي وجع  
الوجع دا لازم يطلع مش شرط بعياط  
شوفي اي حاجة بتطلي فيها اللي جواكي

امنية : عايزة ابدأ ادور علي شغل مش عايزة اقعد في البيت وعايزة  
حاجة تشغلني

مريم : مش قولتي هتستني لما تنمي نفسك شوية عشان تبقي جاهزة انك  
تنزلي الشغل

امنية : مش عايزة اضيع وقت انتي عارفة عقبال ما الاقي شغل هيكون  
عندي وقت كبير في الوقت دا هنمي نفسي

مريم : خالص وهو كذلك

امنية : طب هدور علي شغل فيبين

مريم : هسألك عمر خطيبي عشان حتي تشتغلي في مكان مضمون  
نعرفه

امنية : ربنا يخليكي ليا يارب بجد مش عارفة لولا وجودك انتي وماما  
معايا كنت هعمل ايه

مريم : بس يا هبله انتي اختي

امنية : طب يلا بقي عشان نبدأ في تدريبات الثقة بالنفس

مريم : ايون كدا حلو الحماس دا يلا بينا  
هنعمل ايه

ماما : اول تمرين لازم تطلعوا كل الطاقة السلبية اللي جواكوا

امنية : ازي نطلع كل الطاقة السلبية اللي جوانا  
ماما : في احزان جوانا مكبوتة بتبقي في اللاشعور بس للأسف بتضغط  
علينا من غير ما نحس

الحل عشان نخرجها انكوا تدخلوا تقعدوا مع نفسكوا في الاوضة  
وتتخللوا كل الناس اللي فارقوك  
وكل حاجة مضيقاك ومتمنعوش نفسكوا من انكوا تعيطوا وتنفجروا  
كمان في العياط

الدموع اوقات بيكون فيها الشفا وبعدها هترتاحوا لما تنفجر الشحنات  
المكبوتة جواكوا

امنية : طب وبعد كذا هنعمل ايه

ماما : خلينا نمشي خطوة خطوة مع بعض عشان محدش يكسل

امنية : حاضر

ويوميها بليل قعدت مع نفسي في الاوضة افكرت سفر بابا بتفصيله  
وكانه لسه بيسبني وبيسافر دلوقتي افكرت مشاكل صغيرة اوي ورغم  
انها صغيرة لكنها اثرت جامد فيا  
وطبعا موضوع يونس كان ليه النصيب الاكبر من التفكير افكرت كل  
حاجة زي ما تكون بتحصل قدامي حسيت اني اتزلت عن حاجات كثير  
اوي

اولها ثقة ماما فيا وبدأت فعلا انهار واعيط جامد اووووووي وقد ايه  
كنت موجهة وانا بفتكر كل حاجة  
وكانه شريط حياتي شغال قدام عنيا ومش عارفة اوقفه تعبت من كتر  
العياط خلاص مش قادرة افكر حاجة تاني  
ونمت من كتر التعب وكان النوم حتي مبير حمنيش من الشريط اللي  
شغال طول ما انا نايمة بشوف اللي بيحصل واللي حصل وكأني عيشاه  
دلوقتي

وكل شوية اقوم مفزوعة جريت علي ماما وكان وقت الفجر ماما كانت  
بتصلي واول لما خلصت صلاه

ماما : امنية في ايه مالك

امنية : تعبانة اوي يا ماما انتي قولتي لو عيظت وافتكرت هرتاح وانا  
اتوجعت اكثر انا تعبانة اوي

ماما : طب تعالي يا حبيبي بس صلي الفجر وان شاء الله هتبقى كويسة  
وبعد لما تصلي نقعد نكلم شوية

وصليت الفجر وكان بقالي كتير اوي معيظش كدا وانا بصلي بس المرة  
دي حسيت ان الدموع بتغسلني من ذنوبي  
اول مرة كنت اصلي بخشوع كدا من زمان اوي تقريبا من ساعة لما  
ارتبط بيونس مكنتش بعرف اركز في الصلاه

امنية : ماما انا خلصت صلاه

ماما : بصي يا امنية دموعك مش هتريحك علي طول انتي طبعا لازم  
تبقى تعبانة لان الوجع كان مدفون جواكي  
دلوقتي طلعت علي السطح يبقي وضع طبيعي انك تتعبي بس بدل طلعت  
هتعرفي تتداويه  
زي مثلا لما يكون الجرح سطحي مجرد مطهر تحطيه عليه ومضاد  
حيوي ليه ويومين تلاتة ويبقي كويس

امنية :صح

ماما : ايه دا موبايلك بيرن انتي كنتي ظبطاه منبه الموبايل علي الفجر

ولا ايه

امنية : لا يا تري ميمن بيرن دلوقتي معتقدش ان مريم ترن عليا في  
الوقت دا

-٧-

اول لما سمعت التليفون وشي قلب بطريقة ملحوظة وانا رايحة اجيبه  
مرعوبة ليكون يونس و ١٠٠ سؤال في دماغي  
ياتري لو هو عايز ايه وبيتصل دلوقتي ليه  
وصلت للموبايل واستغربت اكثر مكانش يونس

ماما : ميين يا امنية بيكلم دلوقتي

امنية : ايه دا دا بابا

ماما : طب ردي عليه قبل ما يقفل

امنية : الو

بابا : ازيك يا حبيبتى عاملة ايه وحشتيني اوي

امنية : الحمد لله كويسة

بابا : انا صحيتك ولا ايه

امنية : لا ابدا انا كنت صاحبة بصلي الفجر

بابا : دعيتلي ولا لا يا امنية

سكت ومعرفتش ارد عليه انا مستغربة اوي من طريقة كلامه ومن انه  
يكلمني في الوقت دا بابا علي طول بيكلم علي موبايل ماما وعمره ما  
كلمني كدا

بابا : امنية انتي معايا

امنية : اه .. اه معاك يا بابا  
خير هو في حاجة؟؟

بابا : اه فييه انا عاملك مفاجأة

امنية : مفاجأة ...مفاجأة ايه

بابا : انا نازل مصر

امنية : ايه دا بجد انت اخدت اجازة ؟

بابا :لا انا نازل مصر خلاص هستقر ومش هسافر تاني واسيبك  
الشركة فتحت فرع في مصر وانا طلبت نقلي هناك وهما وفقوا  
قولت لازم انتي تعرفي اول واحدة اكيد هتفرحي اوي حتي مامتك لسه  
متعرفش

رغم ان دا اللي كنت بستناه من زمان بس مش عارفة مفرحتش اوي

يمكن عشان خلاص اتعودت علي غيابه او يمكن من كتر الوجد اللي  
جوايا مش عارفة افرح

امنية : تيجي بالسلامة ان شاء الله

بابا : مالك يا امنية انتي مش فرحانة ولا ايه

امنية : لا اكيد طبعا فرحانة جدا

بابا : خلاص انا هخلص الورق بأسرع طريقة عشان اجي عشان انتي  
وحشتيني اوي

امنية : ماشي

بابا : عايزة حاجة اجبهالك معايا

امنية : ربنا يخليك

بابا : ماشي يا حبيبي خلي بالك من نفسك مع السلامة

امنية : حاضر مع السلامة

ماما : ايه يا امنية بابا قالك ايه

امنية : بابا هينزل مصر

ماما : اجازة؟؟

امنية : لا علي طول

ماما : ايه؟؟

امنية : انا برضو استغربت

ماما : قوليلي قالك ايه

امنية : قالي ان الشركة فتحت فرع في مصر وهو عشان خاطري طلب  
يتنقل فيها وكلمني انا قبلك عشان عايز يعملها لي مفاجأة

ماما : انتي عارفة ان دا كان سبب خناقتي معاه وعشان كدا مكنتش  
بكلمه

امنية : ازي

ماما : عشان هو كان عايز بيعتلنا نعيش معاه وهو كان قدامه فرصة انه  
ينزل

انا مستغربة جدا انه نازل

امنية : كويس احسن ما كنا احنا نروح نعيش هناك

ماما : انتي ليه مش فرحانة يا امنية باباكي عمل كل دا عشانك

امنية : مش عارفة يمكن عشان مستغربة او مش مستوعبة انه خلاص  
هيعيش علي طول معنا

ماما : انا فرحانة اوي

امنية : يااه للدرجادي فرحانة انه راجع

ماما : لا فرحانة اكثر ان علاقتك بيه هترجع زي الاول

امنية : وميين قالك ان علاقتي بيه هترجع زي الاول

ماما : ليه مش انتي غيابه اللي كان مضايك اهو راجع اهو ايه بقي  
اللي هيخليكي مترجعيش معاه زي الاول

امنية : عشان انا مبقتش امنية بتاعة زمان ومش فارق معايا حد  
ماما : مش معني ان قولتلك حياتك متبقاش معتمدة علي اشخاص انك  
مبيقاش فارق معاكي حد لكن اللي كنت اقصد ان حياتك تكون معتمدة  
علي اهداف اكثر من اشخاص

امنية علي فكرة باباكي عمل كل دا عشانك انتي هو احسن ليه يفضل  
في السعودية

امنية : هو لسة فاكر انه سابني يعني دلوقتي

ماما : امنية قولتلك ١٠٠ مرة كنا في ظروف مكنش ينفع يكون هنا

امنية : ماشي انا داخلة انام

ماما : ماشي ابقى فكري في كلامي

امنية : حاضر

دخلت اوضتي وانا مش عارفة استوعب اي حاجة حاسة حياتي كلها

متلخبطة رجوع بابا بعد يونس

منكرش اني محتاجة في الوقت دا بابا كان يبقي جنبي اوي بس فكرة

انه راجع هيبقي معايا علي طول مش عارفة استوعبها

يمكن خايفة افرح برجوعة ليسيني ويبعد تاني انا اصلا بقيت اخاف

افرح بي اي حاجة في حياتي

دايما اول لما افرح ببقى مستتية الحزن اللي هيجي

معرفتش انام من كتر التفكير والصبح اول لما ماما صحيت

ماما : منمتيش يا امنية

امنية : لا معرفتش انام

امنية : ماما انا فكرت في كلامك انا خايفة افرح برجوع بابا يسييني  
تاني ومش بس رجوع بابا انا بخاف من اي فرح عشان بعديه لازم  
ازعل ويكون زعلي بسبب الحاجة اللي فرحت بيها

ماما : وفيين حسن ظنك بربنا  
ربنا سبحانه وتعالى قال في حديث قدسي " انا عند حسن ظن عبدي بي  
ان ظن خيرا فله وان ظن شرا فله"  
قربي من ربنا يا امنية ومش هيبقي في اي وجود للخوف جواكي من  
اي حاجة  
هتبقي مطمئة ان ربنا دايم جنبك ومفيش حاجة تقدر عليك طول ما  
ربنا معاك

امنية : عندك حق يا ماما

وبعد اسبوع

النهاردة معاد وصول بابا الاسبوع اللي فات كلوا كنت مقضياه في  
تطبيق كلام ماما والحمد لله قربت من ربنا وفعلا زي ما ماما قالتلي  
لما تقربي من ربنا هتطمني وفعلا حاسة اني مرتاحة ومش خايفة من  
حاجة وكلت لي ربنا امري وبحاول اقرب اكثر منه  
اييه بقي هيخوفني ؟؟؟؟

اول مرة في حياتي ابقى حاسة اني زي الريشة لا شايلة هم ولا زعلانة  
ولا اي حاجة

موضوع يونس لما بفتكره بتوجع بس برجع افكر اقول هو مكنش خير  
ليا الحمد لله انه بعد مش مهم الموضوع خلص ازي المهم انه خلص  
مستغربة نفسي قوي وبدأت احب امنية كمان واكتشف فيها حاجات  
حلوة كتير تستحق الاهتمام بجد القرب من ربنا غيرني اكثر من اي  
حاجة تانية

ماما : عاملة ايه يا امنية النهاردة

امنية : الحمد لله يا ماما

ماما : حبيبتني ضحكت وحشتني اوي اخيرا ضحكتي

امنية : ربنا يخليكي ليا يارب هو بابا هيجي امتي بقي وحشني اوي

ماما : ايه دا انتي اللي بتقولي كدا سبحان مغير الاحوال

امنية : ايوة يا ماما انا

انا بحب بابا اوووي وفرحانة اوووي انه جاي النهاردة بعد الساعات  
عشان اشوفه

ماما : لا حول ولا قوة إلا بالله انتي اتجننتي يا بت

امنية : لا اتغيرت ونفذت كلامك وحاسة اني مرتاحة اوي وفرحانة

ماما : الحمد لله يارب دايمآ

وبعد ساعتين جرس الباب رن

امنية : دا اكيد بابا

ماما : براللة اللة يا بنتي هتقعي

امنية : بابا ازيك وحشتني اوي

بابا : وانتي كمان يا حبيبتني وحشتيبييني جداااا

وبعد لما دخل وارتاح

بابا : امنية تعالي نقعد شوية لوحدنا عايز اكلم معاكي

امنية : حاضر

بابا : انا اسف يا امنية اني زمان وجعتك اني سبتك ومشيتي انا عرفت

من ماما ان الموضوع دا اثر فيكي جامد

بس والله....

امنية : متكلمش يا بابا انا مقدره كل حاجة ومش زعلانة منك المهم انك رجعتلي بالسلامة

بابا : حبيبتي ربنا يخليكي ليا يارب وان شاء الله اعوضك عن كل السنين اللي فاتت

امنية : ويخليك ليا يارب

بابا : طمني علي اخبارك بقي

امنية : انا اتخرجت من الجامعة ودلوقتي بدور علي شغل

بابا : ايه دا بجد وعايزة تشتغلي ايه

امنية : انا تخصصي كمبيوتر ساينس مش عارفة بقي ممكن اشتغل ايه

بابا : انتي بنت حلال الشركة عندنا طالبة مهندسين كمبيوتر ايه رأيك تقدي عندنا ؟

امنية : بس انا عايزة لما ادخل شغل يكون بمجهودي

بابا : وحد قالك اني هتوسطلك

امنية : اؤمال هقدم ازي

بابا : هما اليومين دول بيعملوا انترفيوهات قدمي السي في بتاعك عادي  
ولو اتقبلتي هيكلموكي

امنية : خلاص ان شاء الله هجهز السي في بتاعي واقدمه

بابا : ربنا يوفقك انا فخور جدا بيكي شكاك طموحة

امنية : ربنا يخليك

بابا : صحيح يا امنية متقدمك عريس وكنت عايز اخذ رأيك في  
الموضوع دا وطبعاً ليكي كل الحرية

امنية : عريس ميين و عرفني ميين!!

-٨-

بابا : صحيح يا امنية متقدمك عريس و كنت عايز اخذ رأيك في الموضوع دا وطبعاً ليكي كل الحرية

امنية : عريس ميين و عرفني منين!!

بابا : دا ابن واحد صاحبي مهندس و عنده ٢٧ سنة و ملتزم

امنية : طب هو عرفني منين عشان يتقدملي

بابا : ميعرفكيش عرف بس اني عندي بنت زي القمر و كلمني انكوا تشوفوا بعض

امنية : بس انا مبحبش الطريقة دي

بابا : خلاص براحتك اللي يريحك بس انا بصراحة شايف الولد محترم جدا و بقول تشوفيه و بعد كذا تحكمي ولو مش عايزاه خلاص

امنية : طب وماما رأيها ايه

بابا : قومي اندهيلها خليها تيجي تقولك رأيها بنفسها

امنية : هو انت اصلاً قولت لها علي موضوع العريس دا

بابا : اه قولتلها قبل ما اكلمك

امنية : ماما تعالي اقعدني معانا عايزاكي

ماما : خير

امنية : تعالي بس

بابا : تعالي يا ناهد امنية عايزة تعرف رأيك في موضوع العريس

ماما : انا رأيي انها تشوفه وتقعد تكلم معاه ولو ارتاحت يبقي خير  
مرتاحتش يبقي برضو خير ونقل الموضوع

بابا : وادي رأي ماما انتي بقي ايه رأيك

امنية : مش عارفة انا اتفجأت هصلي استخارة وهبقي ارد عليكوا

بابا : تمام يا حبيبتي ربنا يسهالك امرك  
ومتنسيش تجهزي السي في بتاعك بسرعة

امنية : يومين بالكثير ويبقي جاهز

بابا : ماشي

دخلت اوضتي قعدت افكر في كلام بابا قولت ما يمكن ربنا عايزني ابدأ  
حاجة صح في حياتي هو انا هستني احب يعني تاني واشوف بقي حظي  
يا اتوجع يا الموضوع يكمل

ورجعت اقول ما انا ممكن احب من غير ما ارتبط  
\_طب ما ممكن العريس اللي بابا جايبوا دا احبو ويكون كويس  
\_انا محتارة مش عارفة اوافق اقبله ولا لا  
احسن حل هقوم اصلي استخارة

صليت استخارة وقعدت بعدها ادعي ربنا يقدملي اللي فيه الخير  
وبرضو لسه محتاره  
حاسة اني محتاجة افوق اكثر من موضوع يونس اه انا دلوقتي الحمد لله  
بقيت كويسة

بس محتاجة اقل الموضوع خالص من جوايا  
اقابل العريس ولا مقابلهوش انا هسيبها علي ربنا واللي فيه الخير ربنا  
يقدمه

هكلم مريم احكيها علي اللي حصل واخذ رأيها

امنية : الو ازيك يا مريم وحشتيني

مريم : الحمد لله يا حبيبي انتي كمان وحشتيني اوي  
صوتك مرتاح الحمد لله بقالي كتير مسمعتش صوتك مرتاح كدا

امنية : اه الحمد لله مرتاحة الحمد لله

مريم : يارب دايمًا يارب

امنية : عايزة اخذ رأيك في حاجة

مريم : قولي

امنية : دلوقتي قعدت مع بابا وقال لي انه جايبلي عريس يبقي ابن صاحبه  
وبيقول لي انه حد ملتزم ومحترم جدا  
وهما دلوقتي سايبني حرية الاختيار اقبله واتكلم معاه او لا

مريم : وانت عايزة ايه

امنية : مش عارفة انا شوية بقول اشوفه مش هخسر حاجة وشوية بقول  
استني لما افوق خالص من موضوع يونس

مريم : انا رأيي تشوفيه وتكلمي معاه انتي اصلا بدأت فعليًا تفوقني من  
موضوع يونس

يعني لا عمرك هتوافقي عليه علشان تعندي مثلا في يونس او توريله  
ان انتي اتخطبتي وهو اللي خسرك  
اعتقد انه مبقاش يفرق في حياتك صح

امنية : ايوة طبعا انا اقصد الفترة اللي انا عشتها انا مش هو

مريم : بدل انتي مش هو يبقي قابلي الولد وشوفي اللي ترتاحيله اعلميه  
وكدا او كدا محدش هيفرض عليك حاجة

امنية : انا صليت استخارة وبرضو مش عارفة اعمل ايه

مريم : مامتك وباباكي رأيهم ايه

امنية : قالولي براحتك بس رأيهم زي رأيك اني اشوفه واتكلم معاه  
ومش هخسر حاجة

مريم : خلاص يا بنتي توكلي علي الله

امنية : نسيت اقولك كمان بابا قالي اجهد السي في بتاعي طالبين في  
الشركة عندهم مهندسين كمبيوتر

مريم : بجد طب حلو اوي حتي تبقي مع باباكي ويبقي مطمئنك شوية  
احسن ما تشتغلي في مكان متعرفهوش

امنية : اه الحمد لله انا حاسة ان ربنا بيعوضني

مريم : الحمد لله يا حبيبتني ربنا يفرح قلبك ويسعدك يارب

امنية : اميين يارب ويفرح قلبك انتي كمان



امنية : انا فرحانة اوي اني صحيت ولقيتك

بابا : يا حبيبي ان شاء الله مش هبعد عنك تاني ابدأ

ماما : ايوة بقي مين لقي احبابه نسي اصحابه

امنية : وانا اقدر برضو دا انتي ست الكل ربنا يخليكوا ليا يارب

ماما : ويخليكي لينا يارب

وبعد الفطار

امنية : انا فكرت في الموضوع بتاع العريس دا واخذت رأي مريم  
وهي رأيها زيكوا

بابا : يعني هتقابليه

امنية : ان شاء الله

بابا : خلاص انا هكلم صاحبي احدد معاه معاد في النادي عشان ميقاش  
في البيت وانتي تبقي واخدة راحتك اكثر ومتبقيش محرجة

امنية : ماشي اللي تشوفه

ماما : استني يا حسن

بابا : ايه

ماما : امنية تعالي عايزاكي شوية

امنية : حاضر

ماما : انتي متأكدة ان الموضوع ملهوش علاقة بيونس وانك عايزة تقابلي دا عشان تنسي دا بي دا

امنية : لا يا ماما الموضوع مش كدا خالص

ماما : ماشي انا حبيت أكد عليك قبل ما بابا يكلم الناس

امنية : يونس انتهي من حياتي وانا لازم اشوف حياتي منكرش ان لسه جوايا وجع بس عشان نفسي صعبانة عليا مش عشان لسه عايزاه

ماما : نفسك متصعبش عليك خلاص درس اتعلمتي منه وفترة وانتهدت

امنية : صح كدا

ماما : خلاص يا حسن كلم الراجل

بابا : كنتوا بتقولوا ايه هاه بقي ليكوا اسرار مع بعض  
امنية : كلام ستات بقي  
ماما بس كانت بتطمن اني مش بقولك كدا احراج منك

بابا : علي بركة الله

وكلم بابا صاحبه واتفقوا اننا هنتقابل بعد بكرة في النادي

امنية : بابا صحيح انا خلاص جهزت السي في اروح اقدمه امتي

بابا : روعي بكرة علي طول قبل ما باب التقديم يقفل

امنية : خلاص ماشي ان شاء الله هو الانترفيو هيبقي برضو بكرة

بابا : الاتش ار هيشوفوا السي في لو عجبهم هتعملي انترفيو

امنية : يعني اروح بي لبس فورمل

بابا : اه طبعا تحبي اجي معاكي

امنية : لا بلاش عشان عايزة احس اكثر اني معتمدة علي نفسي

بابا : ماشي اللي يريحك

وفضلت طول اليوم اجهز في لبسي واجيب اسئلة عامة عشان لو  
اتسألت اي سؤال اعرف اجاوب عليه  
وبدأت اراجع علي حاجات الكمبيوتر اللي درستها لحد لما نمت

وتاني يوم

بابا : صباح الخير ايه جاهزة للأنترفيو

امنية : مش لما يوفقوا الاول علي السي في

بابا : وريهوني كدا

امنية : اهو

وقعد بابا يشوف السي في بتاعي

بابا : ما شاء الله حلو جدا هيقبلوكي انا واثق

كلام بابا اداني اكثر ثقة في نفسي وطمني كتير

بابا : يلا افطري وانزلي عشان متأخر يش

امنية : حاضر

فطرت ولبست ونزلت وروحت الشركة كنت خائفة بس مش زي زمان  
لا خوف طبيعي ان اول مرة اعمل انترفيو لكني مطمئة انه لو خير  
هشتغل

لو مش خير خلاص ويبقى الحمد لله

وفي الشركة

امنية : السلام عليكم لو سمحت انا عايزة اقدم السي في للأتش ار  
عرفت انهم طلبين مهندسين كمبيوتر

الاستعلامات : طب حضرتك افضلي ارتاحي وانا هدخلهم السي في  
يشوفه لو اتقبل هتعملي انترفيو النهاردة

امنية : ماشي اتفضل

وبعد نص ساعة

الاستعلامات : اتفضلي حضرتك السي في اتقبل عندك انترفيو دلوقتي  
جاهزة ولا محتاجة وقت تجهزي

امنية : لا ان شاء الله جاهزة

ودخلت وعملت الانترفيو وكان باين علي وش الاتش ار انهم معجبين

بي اجاباتي ودا اداني ثقة اكثر حتي الاسئلة اللي معرفهاش كنت بجابوب  
عليها بثقة

مستغربة اوي الثقة اللي جاتلي دي حاسة اني واحدة تانية

وبعد لما خرجت من الانترفيو لقيت مريم بتكلمني

مريم : عملتي ايه طمنيني عليكي

امنية : انا لسه هخرج اهو من الشركة ولسه مخلصه انترفيو لسه  
معرفة نتيجتها بس قالولي

مريم : قالولك ابيبييه قولي بسرعة انا قاعدة علي اعصابي من الصبح

امنية : يونس!!!

مريم : يونس ايه دلوقتي بقولك عملتي ايه

امنية : يونس واقف قدام الشركة!!!!!!

مريم : ايه عايز ايه ؟؟؟؟؟؟؟

اول لما شوفت يونس بقيت عمالة اقول هو ولا مش هو وكأني نسيت  
اصلا شكله مش مصدقة اني شوفته وفيين قدام الشركة هنا  
هو بيراقبني ولا ايه قفلت مع مريم التليفون ومشيت بسرعة عشان  
اوقف تاكسي قبل ما يكلمني بس للأسف برضو جه واتكلم

يونس : امنية ازيك عاملة ايه وحشتيني اوي

عملت نفسي ولا كأني سمعاه ومودية وشي الناحية الثانية بدور علي  
تاكسي اركبه

يونس : امنية ردي عليا انا عارف انك ز علانة مني بس ردي عليا  
خليني اشرحك موقفي

امنية : لو سمحت امشي انا لا عايزة افهم موقفك ولا عايزة منك حاجة  
تاني لو سمحت تمشي بدل ما اعملك مشكلة

يونس : امنية انا لسه بحبك صدقيني

امنية : تحبني ولا تكرهني دي حاجة ليك انا مليش دعوة بيها

ولقيت تاكسي قدامي وكأنه انقذني من الواقفة مع يونس ركبت وانا مش  
متخيلة اني قويت كدا عليه ومدتلهوش فرصة حتي يكلم  
بس انا حاسة ان دا الصح ودا اللي كان لازم يحصل

بس ياتري هو ايه اللي جابه عند الشركة هو بيراقبني؟؟  
دا اول مرة انزل فيها من البيت لوحدي من ساعة الموضوع بتاعه  
معقول يكون بيراقبني!!!

دخلت البيت وانا مزهولة من اللي حصل ومخضوضة في نفس الوقت

بابا : ايه يا امنية عملتي ايه

امنية : عملت انترفيو وقالولي هيكلموني كمان اسبوع يقلولي اتقبلت  
ولا لا

بابا : خير ان شاء الله تتقبلي

امنية : ان شاء الله

ماما : مالك يا امنية وشك مخطوف ليه

امنية : لا مفيش تعالي بس ثواني الاوضة عايزاكي

بابا : انتو مبتكلموش قدامي ليه هو في بنكوا اسرار انا معرفهاش

امنية : لا يا حبيبي لا اسرار ولا حاجة انا بس هاخذ رأيها في حاجة  
عندي

بابا : ماشي يا حبيبي انا بهزر معاكي حلو انك اسرارك مع مامتك

ودخلت الاوضة وماما جت ورايا

ماما : مالك يا امنية في ايه حصل

امنية : يونس

ماما : ايه اللي خلاكي تجيبي سيرته تاني مش كنا خلصنا من  
الموضوع دا

امنية : وانا خارجة من الشركة لقيته في وشي وجه كلمني

ماما : ايه ازي

امنية : معرفش انا قولت يمكن بيراقبني عشان دي اول مرة انزل فيها  
لو حدي من ساعة الموضوع

ماما : قالك ايه وانت عملي ايه

حكيت لي ماما كل اللي حصل بالتفصيل وعجبها موقفي

ماما : لو ضايقك تاني وانت رايحة الشركة ادخلي لي امن الشركة  
وقوليلهم انك بنت حسن عبد المطلب وقوليلهم ان دا شخص بيضايقك

امنية : انا خايفة يعملني شوشرة

ماما : متخافيش لو اتقبلتي ان شاء الله هيبقي مرواحك ومجيك مع باباكي

امنية : طب افرضي جه كلمني قدام بابا هقول ايه لي بابا

ماما : ميقدرش طبعا يخاف

امنية : ماشي

خلصت كلام مع ماما لقيت مريم بتتصل

مريم : انتي بجد شوقتي يونس

امنية : ايوة

حكته علي اللي حصل وحكته علي كلام ماما وهي كمان كانت مع رأي ماما

امنية : هو جاي يظهر دلوقتي وانا رايحة اقابل عريس بكرة بعد لما رتبت نفسي انه خرج من حياتي ليه كل لما اجي افوق يظهر لي تاني

مريم : ولا يآثر فيكي انتي خليكى على نفس موقفك حتى لو عملك ايه هو بس بدأ يحس انه ضيعك مع ايده واللي زي دا مبيحبش حاجة تروح من ايده غصب عنه

لو رجعتيله هيضيعك تاني من ايده وبعدين دا اصلا مش راجل ولا متربي عشان يآثر فيكي وتفضلي على امل انه ممكن يرجع يبقي يلخبطك ليه بقي

امنية : مش كدا بس حاسة ان جرحي اتفتح تاني

مريم : بس اثر انك شوفتية لكن افتكري هو عمل اي وقوي نفسك وكويس انك موقفتيش تسمعي هو عمل كدا ليه عشان اكيد كان هيقولك مبررات تضعفك

امنية : الحمد لله

مريم : سيبك بقي من يونس جهزتي هتلبسي ايه بكرة ان شاء الله

امنية : اه جهزت اللبس انا هروح بلبسي العادي مش هلبس حاجة معينة يعني

مريم : كويس خليكى على طبيعتك خالص وخروجة عادية جدا ومفيش اي حاجة ان شاء الله خير

امنية : يارب

مريم : يلا روجي اتغدي واعملي ماسك ولا حاجة علي وشك ونامي  
بدري عشان وشك يبقي حلو

امنية : حاضر

مريم : يلا سلام

امنية : سلام

وعدي بقييت اليوم عادي وقبل ما انام قعدت افكر يا تري يونس فعلا  
بيراقبني طب هو عايز ايه مني دا حتي محاولش يكلمني علي الموبايل  
من وقت الموضوع دا  
يعني هو هيراقبني وميكلمنيش علي الموبايل يمكن خاف ماما تشوف  
الموبايل وترد عليه  
بس خلاص انا لازم اقوي حتي لو قالي ١٠٠ مبرر مينفعش اني ارجع  
ونمت من غير ما الاقي ولا اجابة علي الاسئلة اللي في دماغي

وتاني يوم

ماما : امنية يلا قومي هنتأخر

امنية : الساعة كام

ماما : الساعة ١٢ والمفروض نكون في النادي الساعة ٢

امنية : حاضر قايمة اهو

وقومت واصلت استخارة قبل ما انزل ولبست ونزلت مع ماما وبابا

بابا : ايه الجمال دا يا امنية

امنية : ربنا يخليك يا بابا

بابا : بصي انا عايزك تبقي علي طبيعتك خالص ولا تخافي ولا تكسفي  
عادي خروجة زي اي خروجة

امنية : بس انا مكسوفة جدا

ماما : بلاش مياصة البنات دي يا امنية ما باباكي قالك خروجة زي اي  
خروجة

امنية : ماشي

ووصلنا النادي وصاحب بابا هناك هو ومراته وابنهم وقعدنا معاهم

وعرفونا عليهم وبابا عرفهم عليا

الولد اسمه محمود و عنده ٢٧ سنة وشغال في شركة هندسية وفعلا  
شكلهم ناس محترمة جدا وراقية زي ما بابا قال عليهم  
كنت مكسوفة جدا وانا قاعدة وكلامي كان قليل اوي معاهم بس الولد ما  
شاء الله اجتماعي وقعد يكلم مع بابا  
شكله مثقف وعقليته متفتحة واذن العصر روحنا نصلي وبعد لما رجعنا  
صاحب بابا طلب غدا شكله يعرف بابا من زمان اوي  
بابا كان مندمج اوي من صاحبه في الكلام وماما بتكلم مراته وانا قاعدة  
ساكته لقيت محمود بيكلمني

محمود : وانتى بقي يا امنية عايزة تعملي ايه بعد لما خلصتي دراسة

امنية وانا مكسوفة جدا وانا بكلم : انا امبارح كان عندي انترفيو في  
فرع الشركة اللي بابا كان بيشتغل فيها بس لسه هيردوا عليا كمان  
اسبوع

محمود : طب كويس جدا ما شاء الله الشركة دي محترمة جدا وكويسة  
ومستقبلها حلو

امنية : اه الحمد لله

محمود : انا بقي نفسي افتح مكتب هندسي يبقي بتاعي بس دا طبعا  
محتاج خبرة كبيرة قبل ما افتحه

امنية : اكيد ربنا يوفقك يارب



امنية : بجد

ماما : اه يا حبيبي بجد مبرووووك

امنية : الله يبارك فيكي الحمد لله انا حاسة ان الشغل هيساعدني اوي في حياتي

بابا : مبروك يا امنية يا حبيبي ربنا يوفقك يارب

امنية : الله يبارك فيك يا بابا

بابا : امنية انتي في حد شافك وانتي في الشركة غير بتوع الاتش ار

امنية : لا ليه

بابا : في واحد اسمه يونس كلمني بيقول انه شغال في قسم الكمبيوتر في الشركة عندنا وشافك يوم لما روحتي عملتي الانترنت و سأل عليكى قالولوا انك بنتي واخذ الرقم وكلمني

امنية : يونس

كلمك ???

ماما : عايز ايه ؟؟

بابا : عايز يتقدم لي امنية

انا وماما : ايه ؟؟؟؟؟؟

- ١٠ -

بعد لما بابا قالي ان يونس كلمه وطلب انه يتقدملي فهمت ان يونس  
شغال في الشركة اللي انا كنت رايحة اعمل فيها انترفيو  
بدأت انا وماما نبص لي بعض مش مصدقة اللي بيحصل

بابا : انتي اتكلمتي مع حد ثاني في الشركة يا امنية غير بتوع الاتش ار

امنية : لا انا روجت لبتوع الاستعلامات اديتهم السي في وهما دخلوه  
الاتش ار وقعدت بره نص ساعة ودخلت اعمل انترفيو

بابا : غريبة دي

ماما بتحاول تخفف من حدة الموضوع

ماما : عادي يا حسن ممكن حد شافها اعجب بيها من بعيد وسأل عليها  
انت عارف بنتك الف مين يتمناها

بابا : اه طبعا اكيد

طب انتي ايه رأيك يا امنية

امنية : رأي في ايه هو مش المفروض ان موضوع محمود لسه شغال

بابا : اه و علي فكرة باباه كلمني وقالي ان الولد في من ناحيته قبول

وسألني عنك قولته لسه بتصلي استخارة

امنية : ربنا يقدم اللي فيه الخير

بابا : طب ويونس ارد عليه اقولوا انك مش موافقة يعني

امنية : انا مقولتش مش موافقة ولا قولت موافقة لا علي يونس ولا علي محمود انا عايزة اقعد لوحدي ممكن

بابا : اكيد اتفضلي

ودخلت اوضتي وانا مش عارفة افكر يونس يتقدم بعد اللي عمله دا طب ليه راجع دلوقتي بعد لما اتخلي عني في اكرت وقت احتاجته فيه انا دلوقتي محطوطة قدام اختياريين ومحدثش في الدنيا هيتحمل نتيجة اختياري دا غير انا وبس

ماما : امنية

امنية : نعم يا ماما

ماما : ايه اتخضيتي كدا ليه دا انا بقالي ساعة واقفة جنبك انتي محستيش

امنية : لا محستش

شوفتي يا ماما اللي حصل

ماما : اه وانت بتفكري في ايه

امنية : معرفش يا ماما خايفة احن لي يونس تاني واختاره

ماما : الاختيار ليكي بس انا رأيي بلاش يونس تاني

امنية : ليه يا ماما

ماما : فكري براحتك وبعديين هبقي اقولك رأيي

وفجأة الموبايل رن

امنية : ماما دا يونس

ماما : اكيد هيقولك مبررات انه سابك ويحاول يضعفك عشان توافقي

امنية : ارد؟؟

ماما : عايزة تردي ردي بس حطي في دماغك قبل ما تردي ان هو بيكلم بيرر ويضعفك متمعلهوش يا امنية اللي هو عايزه

امنية : عايزة اشوفه هيقول ايه

ماما : خلاص هقعد جنبك وردي

امنية : ماشي

يونس : الو

امنية : ايوة

يونس : لو سمحتي يا امنية انا عايزة اتكلم معاكي ضروري لو سمحتي  
متقفليش

امنية : لو كنت هقفل مكنتش رديت اتفضل قول اللي عندك

يونس : امنية انا بحبك و عمري ما حبيت حد قد....

امنية : لو سمحت قبل ما تكمل كلامك يبقي من غير الكلام دا انت مش  
من حقاك تقولهولي يا تكلم من غيره يا اما هقفل

يونس : خلاص حاضر

بس اللي انا بتصل اقولهولك اني لما مجتش تاني يوم لما مامتك شفتنا  
كان بسبب ان انا حسيت ان شغلي وقتها ميكفيش اني اصرف عليك  
وانك هتتعبني اوي في حياتك معايا لو كملتي عشان كذا مجتش كنت  
عايز ادخل بيتك وانا مستوايا احسن من كذا

وعشان كدا من ثاني يوم دورت علي شغل احسن وكل الوقت دا كنت  
بدور علي شغل لحد لما واحد صاحبي شغال في الشركة اللي بشتغل  
فيها دلوقتي

قالي انهم محتاجين مهندسين كمبيوتر رحتم و اتقبلت واول لما  
اتقبلت قولت هاجي اتقدملك رسمي علي طول

امنية : اه عشان تتقدم بمستوي احسن تتخلي عني في اكرت يوم كان  
المفروض تبقي جنبي فيه

يونس : انا عارف اني اتصرفت بغباء بس دا كان من كتر خوفي  
عليكي انا مش عايز اتعبك وعايزك اعيشك في نفس مستواكي

امنية : كان ممكن تيجي تشرح كل ظروفك دي لي ماما وهي مكنتش  
عايزاك تيجي تخطب هي بس كانت بتتبتلي انك مجرد واحد بيتسلي

يونس : انا لو كنت بتسلي مكنتش كلمت باباكي علي طول ثاني كنت  
حاولت ارجع ليكي ارتباط صدقيني انا غلظت وندمان اوي علي اللي  
انا عملته

بس من كتر الضغط اللي كنت فيه مقدرتش اجي

امنية : خلصت كلامك

يونس : اه

امنية : ماشي انا هقفل

يونس : طب انتي رأيك ايه في الكلام

امنية : رأيي هتعرفه لما بابا يرد عليك مش انت كلمته هو خد الرد منه

يونس : انتي قويتي عليا كدا ليه يا امنية انتي عمرك ما قلبك كان قاسي  
كدا انا غلطت وبطلب منك تسامحيني

امنية : لو سمحت الكلام خلص ورأيي هتعرفه من بابا

يونس : ماشي وانا بتمني انك تكوني ليا ومش عايز في الدنيا حد  
غيرك

امنية : يلا سلام

قفلت وانا محتارة اكثر واكثر ومش عارفة افكر او افق علي يونس وهو  
فعلا ممكن يكون كان غصب عنه وغلطة وخلص مش هتكرر  
\_ ما هو ممكن يكون بيضحك عليا وانا اصدق تاني ومن تاني يسبيني  
ويعني

\_ لو كان بيضحك عليا كان جه كلمني انه يرتبط بيا مش انه يكلم بابا  
علي طول

\_ انا مش عارفة اعمل ايه يارب ساعدني

ماما : مش عايزة اعرف قالك ايه بس هقولك كلام خليه في دماغك  
وانتي بتفكري

\_ اللي كسرك يا امنية ممكن يكسرك ١٠٠ مرة خصوصا لو رجعتك  
بعد لما كسرك

عشان هيبقي عارف انك خلاص مبتستغنيش عنه هيبقي عارف انه  
مهما عمل فيكي

هيجي ينزلك دمعتين وتسامحيه و خلاص ويعمل كل اللي عايزه  
وصدقيني حتي لو اتجوزتوا الشرخ دا هيفضل بنكوا طول العمر وانتي  
عمر ك ما هتأمنيله ودايما وانتي معاه هتبقى خايفة يسبيك  
انتي باباكي لما سافر شوفي قعدتي كام سنة مضايقة انه سابك و رغم انه  
كان ليه ظروف مبالك بقي اللي المفروض هتكلمي معاه حياتك  
يونس اتخلي عنك يا امنية في اكثر وقت كان المفروض يبقي جنبك فيه  
تفتكري دا واحد قد المسؤولية

تفتكري دا ممكن تشيليه مسئوليتك ومسئولية ولادك  
فكري كويس يا امنية ومحدث ليه دخل في اختيارك  
حتي لو كان اختيارك هو

امنية : حاضر

هكلم مريم اعرف ايه رأيها وبعديين افكر لوحدي واصلي استخارة  
واخذ قرار

امنية : الو ازيك يا مريم وحشتيني اوي

مريم : وانتى كمان وحشتيني جدا  
عندي ليكي مفاجأة كنت لسة هكلمك

امنية : خبير

مريم : فرحي اتحدد ان شاء الله كمان شهر بالضبط

امنية : يا حبيبتى مبروك الف مبروك فرحتيني اوي

مريم : عقبال ما افرح بيكي كدا قريب يارب وتيجي فرحي وانتى  
مخطوبة ان شاء الله

امنية : يارب ان شاء الله

مريم : ايه في اخبار جديدة في موضوع محمود

امنية : باباه بيقول انه حاسس بقبول ناحيتي

مريم : طب وانتى

امنية : يونس كلم بابا طلب ايدي يا مريم

مريم : بتهزري ازي

وحكيت لي مريم كل حاجة حصلت ومكالمة يونس وكلام ماما

امنية : مش عارفة افكر حاسة اني متلخبطة جامد بصي رغم اني  
معرفش لسه محمود اوي بس مطمئنه اكثر من يونس  
وفي نفس الوقت بقول يمكن يونس كان فعلا كان في ضغط وخلص  
موقف و عدي

مريم : بصي يا امنية الدنيا علمتني حاجة ليه ابدأ في علاقة كان كلها  
مشاكل وفي كسر حصل بين الطرفين  
لما ممكن ابدأ علاقة سليمة مفيهاش ولا شرخ ولا كسر

امنية : طب ما برضو اللي مكسر نيش ممكن يجي يوم ويكسرني

مريم : علي الاقل مش هتكسري بنفس الطريقة لانك هتكوني اتعلمتني  
من اللي حصل قبل كذا  
لكن الغباء اننا نكسر كذا مرة بنفس الطريقة واننا ندي لنفس الشخص  
الثقة مرتين

امنية : عندك حق

مريم : هتعلمي ايه دلوقتي

امنية : هقوم اصلي استخارة واللي فيه الخير ربنا يقدمه

مريم : ماشي يا حبيبي ربنا يريح قلبك

امنية : يارب

مريم : سلام

امنية : سلام

قعدت افكر في كل الكلام وصليت استخارة كل لما افكر في يونس احس  
ان في حواجز كتير بنا وبحس اني مخنوقة وخايفة منه جدا  
قعدت يومين بفكر في كل حاجة وفي حياتي بعد لما اتغيرت حسيت اني  
لو رجعت لي يونس هبقي خسرت نفسي  
واتنازلت عن كل حاجة اتغيرت فيها انا عارفة ان اول لما يونس  
هبحس انه هيمتلكني هيكسرني تاني  
طب ليه ارجع لي نقطة البداية تاني وانا ربنا اداني فرصة اني ابدأ من  
جديد

امنية : بابا ماما

بابا : خير يا امنية

ماما : ايه يا امنية في ايه

امنية : انا قررت اني هقابل محمود تاني ان شاء الله واقعد معاه مرة

واتنين وتلاتة لحد لما ارتاح واطمن ليه  
وموضوع يونس ياريت يا بابا تقفله انا مش عايزاه

ماما : انتي متأكدة من قرارك

امنية : انا عمري ما كنت متأكدة من قرار في حياتي قد ما انا متأكدة  
من القرار دا

بابا : ربنا يقدمك اللي فيه الخير  
صاحبني كلمني امبارح وكان عازمنا علي الغدا عندهم بس انا قولتله  
انك مشغولة شوية  
عشان مكنتش عايز اضغطك في التفكير

امنية : لا كلمه خلاص الحمد لله انا مش مشغولة ولا مضغوطة من  
التفكير  
وبجد شكرا ان محدش فيكوا فرض عليا حاجة وختوني اخذ قراري  
بنفسي

ماما : لان لو كنا فرضنا عليك انك تختاري حد طول عمرك هتبقي  
تعبانة معاه حتي لو هو ملاك

امنية : ربنا يخليكوا

بابا رفض يونس وحسيت براحة كبيرة اوي بعدها حسيت ان دلوقتي

بجد اقدر اقول اني اتغيرت

يونس حاول يكلمني كثير بس طبعاً مكنتش برد وغيرت رقمي خالص

اما بقي محمود اتقابلنا ٣ مرات وبعدها طلب من بابا انه يخطبني اخدت وقت في التفكير رغم اني كنت مرتاحة

بس مكنتش عايزة اتسرع في قرار حياه ووافقت علي محمود واتخطبنا وبعد ما اتخطبنا حسيت انه هدية ربنا ليا وان دا تعويض ربنا ليا عن كل حاجة حصلت

محمود حنين جدا انسان مثقف ومتدين قربني من ربنا جامد والحمد لله اني فعلاً اتخطبتله

خطوبتي لي محمود ساعدتني كثير اوي اتغير خصوصاً انه كان دائماً بيشرحني اني ابقى احسن

واحقق ذاتي وابقي انسانة ناجحة في شغلي وفي حياتي وفي كل حاجة واكثر حاجة بجد مفرحاني معاه هي ان انا ليا كيان مستقل وهو ليه كيان مستقل مش معني ان احنا مرتبطين يبقي من حقي ان انا اتحكم فيه

واخليه يتغير علي مزاجي ولا من حقه انه يخليني اتغير علي مزاجه بنا شئ مشترك اللي هو ارتباطنا بس ارتباطنا لا يعني قيد او سجن حد فينا

ورغم اني كنت دائماً بقول مش هتجوز صالونات وهتجوز عن حب وبس بس لقيت ان الموضوع مش زي ما انا كنت بفكر كلها وسائل تعارف وربنا وحده اللي يعلم النصيب فين

بس هي نقطة اهم حاجة في الجواز سواء صالونات او حب وهي التفاهم والاحترام بين الطرفين قبل الحب كمان و مش معني اني بحب

اتنازل عن الاحترام و التفاهم لانهم هما عواميد الحياه الزوجية اللي  
بيقوم عليها اي بيت

مريم اتجوزت وروحت فرحها انا ومحمود ودا كان اول فرح نحضره  
سوا كانت عروسة زي القمر

والمفجأة اني بشتغل في نفس المكتب اللي يونس بيشتغل فيه ودا كان  
اكبر تحدي لنفسي انه مبقاش يفرق معايا خالص  
لاني ببساطة قبل ما اتخطب لي محمود اتأكدت ان يونس كان غلطة  
علي قد ما ندمت اني غلطتها علي قد ما اتعلمتها منها  
بس بعدها بقي زيه زي اي حد بالنسبالي والشغل دا كان فرصة كبيرة  
اوي اكبر فيها ومستقبله حلو  
ومكنتش مستعدة اخسر حاجة تاني بسبب يونس

اخر حاجة عايزين تعرفوا انا اتغيرت كدا ازي

اول حاجة استعنت بالله

ثاني حاجة اخدت قرار اني هتغير وكان عندي عزيمة وإرادة اني اتغير  
ثالث حاجة اني اتغيرت علشان امنية امنية وبس مش عشان اي حد  
تاني

لاني اتعلمت اني لو اتغيرت عشان خاطر حد اول لما يروح هرجع زي  
الاول ويمكن اوحش

اما بقي عن ثقتي بالناس  
فعلا زي ما ماما قالتلي اول لما تقربي من ربنا وتثقي في نفسك عمرك  
ما هتخافي من الناس  
لان ببساطة محدش يقدر يعمل حاجه طول ما انا معايا ربنا وعندي ثقة  
في نفسي ان حتي لو عمل  
حاجه هعرف اخذ حقي كويس جدا

دلوقتي بس اقدر اقول اني مبقاش عندي ازمة ثقة والحمد لله

تمت بحمد الله وفضله